



Cefnogi eich plentyn ar gyfer ei sesiwn codio ar-lein

Dyma ein pum awgrym ardderchog ar gyfer gwneud yn siŵr bod eich plentyn yn barod i gymryd rhan mewn sesiwn clwb codio ar-lein.

1. Paratoi dyfais eich plentyn ymlaen llaw

Cyn y sesiwn ar-lein, gwnewch yn siŵr bod yr adnodd fideogynadledda ar gyfer cymryd rhan yn y sesiwn yn gweithio ar y ddyfais bydd eich plentyn yn ei defnyddio. Os oes angen, gosodwch yr adnodd neu greu cyfrif ar ei gyfer. Cysylltwch â threfnydd eich clwb os oes gennych chi unrhyw gwestiynau am hyn.

2. Cael sgysiau agored am ddiogelwch ar-lein

Mae'n bwysig eich bod yn cael sgysiau rheolaidd â'ch plentyn am ddiogelwch ar-lein. Ewch ar dudalen we diogelwch ar-lein yr NSPCC i ddod o hyd i gyfoeth o wybodaeth i'ch helpu yn hyn o beth.

Dylech atgoffa eich plentyn, pan fydd ar-lein:

- Na ddylai byth rannu UNRHYW wybodaeth bersonol (fel ei gyfeiriad, ei rif ffôn neu enw ei ysgol).
- Os yw'n teimlo'n annifyr am unrhyw beth sydd wedi digwydd ar-lein, dylai siarad am y peth gyda chi neu oedolyn dibynadwy ar unwaith.

3. Rhannu ein cod ymddygiad gyda'ch plentyn

Treuliwch rywfaint o amser yn edrych ar ein cod ymddygiad ar-lein gyda'ch plentyn. Siaradwch â'ch plentyn am y cod ymddygiad i wneud yn siŵr ei fod yn deall pam bydd ei ddilyn yn ei helpu i fanteisio i'r eithaf ar y sesiwn ar-lein.

4. Dewis man da i ddysgu

Penderfynwch ble bydd eich plentyn yn eistedd pan fydd yn cymryd rhan yn y sesiwn ar-lein. Yn ddelfrydol bydd hyn mewn amgylchedd agored a diogel lle gallwch chi weld a chlywed yr hyn mae'n ei wneud. Er enghraifft, mae'r ystafell fyw yn well na'i ystafell wely.

5. Helpu eich plentyn i reoli ei ddysgu ei hun

Helpwch eich plentyn i ymuno â'r sesiwn ond gadewch iddo gymryd yr awenau. Efallai byddwch chi'n gallu cywiro gwallau'n gyflymach ond dylech roi'r cyfle i'ch plentyn ddatrys y problemau hyn ei hun. Bydd hyn yn helpu i fagu ei hyder, yn enwedig os nad yw'n codio ers hir. Dylai cymryd rhan mewn sesiwn clwb codio ar-lein fod yn hwyl, yn anffurfiol ac yn llawn creadigrwydd. Arhoswch gerllaw a gofyn cwestiynau am yr hyn mae'n ei greu — bydd hyn o gymorth i'w brofiad dysgu ac yn creu ymdeimlad go iawn o berchnogaeth.

Beth i'w wneud os ydych chi'n dymuno rhoi gwybod am bryder diogelu

Rhowch wybod i ni am unrhyw bryder diogelu drwy ein ffurflen rhoi gwybod am bryder diogelu neu, os oes gennych bryder brys, drwy ffonio ein gwasanaeth cymorth ffôn 24 awr ar +44 (0) 203 6377 112 (ar gael yn rhyngwladol) neu +44 (0) 800 1337 112 (y DU yn unig). Mae ein polisi diogelu llawn ar gael ar ein tudalen we diogelu.

Rhan o Raspberry Pi

Mae Code Club a CoderDojo yn rhan o'r Raspberry Pi Foundation, elusen gofrestredig yn y DU 1129409

www.raspberrypi.org

raspberrypi.org

The Raspberry Pi Foundation is a UK company limited by guarantee and a charity registered in England and Wales with number 1129409.